



BACARDI®

e unico rum pa carnaval 44

agente exclusivo: LICORES ARUBA N.V.



ASOMA a trece un código pa e festival bai clean, clean

Durante e inscripcion di ayera tardi na Cheers nos a ricibi for di ASOMA un lista di e reglanan cu e participantenan mester sigui. E lista aki a ser hincá den otro cu e intencion di hiba e festival manera cu el a wordo organizá, esta di cuminzá y caba na ora.

E lista di regla ta consisti di tres parti cual ta e base riba cual e cantante y cancion lo ser huzga, e di dos yama 'Fair Play' y e di tres ta colectá puntanan di suma importancia encunto e reglanan en general.

KICO LO SER HUZZA

E participante mester bai tene cuenta na promé lugar cu nueve punto masha importante cual ta como lo siguiente:

Articulacion: público mester por comprendé hopi bon kico ta ser cantá;

Tono: locual ta ser cantá mester cuadra cu e accoordan; Tempo: e cantante mester canta den bon compas.

Range: e cantante ta yega e tononan bon, tanto tononan halto como tononan abao;

Ritmo: bon sla di Tumba riba conga, campana, drums, piano, bajo y otro instrumentonan;

Coro: mester ta zuiver y den armonia;

Contenido: e tumba mester tin contenido cla;

Tumba: e tumba mester ta nobo. Cualquier uso di un cancion existente no mag ta mas cu 4 barra musical;

E cantante mester sa canta y no grita e cancion.

FAIR PLAY

Desde e promé cantante, te cu e último cantante, lo no tene cuenta cu 'Public Appeal'. Motibo pa esaki ta cu esun cu cuminzá canta promé ta haya un público chiquito, mientras cu esun cu ta canta último tin chens-pa haya un público grandi. Esaki no ta FAIR, pasobra tur cantante mester tin e mesun posibilidad FAIR di gana.

E hurado lo haci uso di e sistema di 40 pa 100 punto pa nan vota. Si tin empate na final di e festival anto hurado lo mester dicidí ta ken lo bira e ganador. Dus no tin empate.

Duracion di e 'warm-up' mester ta maximal dos minuut. E cancion participante mester ta maximal seis minuut. E cancion y e show cu ta compañía e cancion no mag pasa e seis minuut.

Tur banda mester ta cla pa cuminzá toca den cuater minuut. Entre un cancion y otro cancion no mag pasa un minuut.

Inscripcion pa Tumba Festival tabata interesante

E ambiente y no por duda tampoco cu e interes pa e festival di Tumba ta grandi mirando e dia di inscripcion cu a ser tení ayera na Cheers Cafe & Bistro.

For di 12'or di merdia y te cu 6'or di atardi, e interesadonan pa participá den e festival di Tumba por a inscribí oficialmente.

For di varios dia caba Alegria y Fantasia a bin ta mencioná diferente nomber di posibel participante y ayera tur e nombenan aki a keda mencioná. Mester remarcá cu ayera tabata e único dia di inscripcion.

Alegria tabata presente un rato so, pero Fantasia a keda henter atardi y nos tin sigur cu mañan ora cu e bin bek, e lo tin hopi cos di conta nos tur.

Pa banda di 4'or y mei tabatin 15 participante inscribí, pero tabata falta e bandanan grandi manera E.Q.O. y QUASI. Alegria a scucha cu un participante di E.Q.O kier a yega Cheers cu un caravana di Harley, pero parce cu te na rumor e intencion a yega.

Lo tin 15 seconde di 'speling' y despues di esaki diez punto lo ser kitá pa cada minuut cu pasa.

Cada banda mester entregá nan 'stage-setup' na e compañía di sonido cu ta bai traha cu e sistema di sonido. Lo bai tin un 'backstage' y esaki kier men cu ora un banda ta tocante e otro ta preparando 'backstage' y e dos siguiente bandanan cu ta bai toca mester

ta den 'backstage' preparando y asina consecuentemente tur banda mester cumpli cu esaki pa evitá descalificación.

Na e festival tin 'vrije lot'. Esaki kier men e personanan aki ta canta último nan so, cu e banda cu ta compañía nan y e banda no mag compañía ningun otro cantante e momento ey cu no ta e Rey di Tumba.



Aruba Recording Studio
Neptunusstraat 10 - Tel.: 824416

E cas di Carnaval

pa un miho sonido
miho calidad
miho servicio

CUMANA 69
Tel: 822235
Fax: 822295

pa palo, lijn, schroef
y tur materiaal pa
Carnaval



First
National Bank of Aruba

SUBI, SUBI
y sigui SUBI
Asina bo Banco
Completo First ta pone
bo cuenta subi den
Carnaval



KFC

E galiñanan di
mas dushi
Hmmm



Rum
CARIOCA



E Ron di Aruba su Carnaval
Agente distribuidor: Palmera Quality Product
Tel: 822122